

Simmun 13: June 29, 2024

©STEVE CREITZ - PROPHECYART.COM

©STEVE CREITZ - PROPHECYART.COM

**PATHIEN NGAILUTNA GALJO**



---

“Chuin keiman laltouna a kuon chun aw sang tah a thu kisei kaja'n, “Ve uvin, Pathien chenna chu mihiem lah ahung hi tai, chule ama amaho toh chengkhom ding; amaho chu ama mite hiding ahi uve; chule Pathien amatah mong in aumpi ding u , chule a-Pathien u hiding ahi; chuleh amitchang uva amitlhi chengse u athehngim ding; chule lhasietna le kana, chule nat thuohgim umtalou ahi; thil masaho chengse chu kitolmang suoh ahitai” ati (Thuphuon 21:3, 4)


---



**Satan in Pathien vaihom douna a gal abol,  
kidouna lien, hi bei vah loi ding ahi tai.**

**Kidouna gal iti hung kichai ding hettheilouva  
um ihipo uve- Pathien galjou ding, Satan  
gallel ding ahi.**

**Kidouna gal kikat nukhah pen gei a iti hung  
suoh ding Bible in phatah in ei hetsah uve.**



- ➡ Lunggenthei leh jalenna phaatho.
- ➡ Kichat tijat leh lung kipa phaatho.
- ➡ Khogemnung leh thutanna phaatho.
- ➡ Hin leh thi phaatho.
- ➡ Ngailut pieh leh lechan phaatho.

# LUNGGENTHEI LEH JALENNA PHAATHO

“Ahe! Hiche nikho chu anasa behseh jieng in, hiche tobang chu khatcha jong aumpoi. Hiche chu Jacob dia hesuohna phaath ahin, hijongle hiche akuon ama huhhing a umdoh ding ahi” (Jer 30:7)

“Mihiem khang kichaina phaath a um ihita uve. Melchihna kinongchel aban ban suohho hin Christa hungna ding anaitah dan eimusah ui. Tu nikho hi phaath gimnei, kidang leh poimo chu ahi” (EGW, TI9, 11) . Aban ipi hungsuoh ding hitam?

Rev. 22:11



Patepna khaotah chu  
chai ahitan, mitin  
lhunna ding suhfel  
ahitai. Lungsietna  
kot akikhah tai.

Is. 8:21-22; Jer. 30:7



Lunggentheina phaath.  
Migilou chonse jing,  
midih chun vang  
ngaidam chan  
lungmuonna hol jing.

Rev. 15:7-8; Ps. 27:5



Kisihtalouho  
chung a gamna  
nukhah 7 lung.  
Hinla, Pathien  
mite venbit a um.

Rev. 16:14; 1Jn. 3:2-3



Hon jouse Jesu  
kimaitopi dia kigo  
chieh. Kipahtah a  
liem ding a kigo leh  
kidoupi dia kigo loi  
ahi uve.

Jesu'n palai natch achai tieng kisihtalouho Lhagao Thieng kiladohpieh ta ding, mitin lhunna ding mun namdet hiding ahitai. Kitahte chu Pathien kithopi le venbit hijing diu, giloute chu Satan kichepna cheng a um diu ahitai. Mitin apu dia akilhen pen pen umchan atho diu ahi tai.

# KICHAT TIJAT LEH LUNG KIPA PHAATHO

“Chule muol le suongpi ho jah a chu,  
 “Kachung uva hung lhu’n lang, laltouna a  
 toupa maikoh akuon leh Kelngoinou  
 lunghanna akuon neisel un” (ati)” (Rev.6:16)

“Hiche nikho chuleh hiti a kisei ding ahi: “Ve’n,  
 hiche hi eiho Pathien chu ahi; ei huhhing theina  
 ding uva eihon ama i-nga jing u ahi e. Hiche hi  
 Pakai chu ahi...i-nga jing u ahi e...” (Isa 25:9)

Pathien Thupieh nungsunte ahi uve; Hinna  
 tuinah anungsun un, “amaho tuinah” akilai un  
 ahi ( Jer. 2:13).

Tun thutanpa maikoh tah  
 chu amu tauve. Alunghan  
 le thiemmo bou chang  
 ding lom ahita uve. Ko’n  
 ahuhdoh ta diuvem? (Isa.  
 2:19; Rev. 6:16).



Pathien Dan nitte ahi uve. Hinna tui donte ahi uve  
 (Rev. 21:6). Tun thutanpa toh kimaito ahita uve.  
 Huhhing chan akinepna u umsun ahi. Vahchoina  
 awcheng in dimlha ta uvinte. (Isa. 25:9; Rev. 15:3-4).

Lhenchu-  
 ome  
 chung a  
 Satan  
 lunghang  
 (Rev. 12:17)

Mitin ama hou le chibai  
 akibuohsah in, adan  
 ajuisah e (Rev. 13:15-17)

Tahsan mohcheng in  
 Pathien Dan nit jing  
 (Rev. 14:12)

Vannuoi chu Kelngoi  
 dousah ding ago’i.  
 (Rev. 17:12-14)

Ama a-Pathien kimupi  
 din akigo’i (Amos 4:12)

Jesu ahungkit chun  
 melma cheng asugam tai  
 (Rev. 19:11-15)

Jesu’n ama tahsan  
 cheng akipui tai  
 (Rev. 19:6-8)

# KHOGEMNUNG

“Leisiet hi keuhel a hung kilha a, kichomngim jieng ding ahi;  
ajieh chu Pakai in hiche thu hi ase tai” (Isaiah 24:3)

Jesu hung tieng khangtin mithiengte thodoh hidiu ahi; ahing nalai tahsah chate vanvou a kikhel diu, Jesu toh umkhom dia lahtou hidiu ahi (1Thes. 4:16-17). Giloute Jesu mai a thi diu ahi. Aluong u vuilou a um den ding, leisiet a ahing khat jong mu ding umtalou ding ahi tai (Jer. 25:33; Rev. 19:17-21; Jer. 4:23-26; Is. 24:3).

Hiche phaata chuleh Satan leh asottol vantaalte kokhuh a kum 1000 kikhachahkhum diu, lheplhah ding koima aneilou diu ahi tai (Rev. 20:1-3).

‘Kokhuh’ (*abyssos*) kiti thucheng hin leisiet hichepet dinmun phatah in atahlah e. Mihiem ahing umlouvin, diabol le avantiil hon lhep ding aneilou diu ahi tai. Leisiet khogemnung bang ding, adinmun un khao bang ahentaang u ahitan, anatoh umchan gilouho kinungvet phaata a aman diu ahi.



# THUTANNA PHAAT

**"Chuin keiman laltouna phabep khat kamu'n, achung a touho chu thutan vaihom apedoh un ahi... kum 1000 Christa toh vai apokhom ui" (Rev. 20:4)**

**Jesu anivei hung masang a thutanna kichaisa anahita, achan diu kipegamta, tahsan cheng jong tuonsot hinna lutgamta hileh, hiva thutanna kisei kit hi ipi thutanna chu ahita dem? Lungdon aum e!**

**Kum jabi tampi Pathien in angailut jal in huhhingna chu tahsan vang a kisaanho din akoipieh jing e. Sietna jong dung lhingset aphah ding aphal e.**



**Thutanna sung hin thilsiem dangho leh vantilho'n Pathien thutandihna le hepina chu chonsietna le dounabolho chung a athutan dan akuon amudoh diu ahi. Satan vaihomna ga dihtah, khogemnung le gamkeohomsa, chu amudiu ahi.**

**Satan gamsung a um, ahivang a lhatsa, eiho'n jong hichu imudiu ahi. Kum 1000 thutan sung a Pathien ngailutna'n sietna avel a hung umdohkit ding aphallou ding jong phatah a imudoh diu ahi (Nah. 1:9).**

# HIN LEH THI PHAATHO

"Ajieh chu veta'n, nikho chu meilhum sung kuong jengjung bang in ahung e; hiche a hi mi kiletsah jouse le thilse bol jouse kipallhu suoh hiel diu ahi...anikho hin apansatna ajung bulpi gei a, chule abah gei a jong akhenlou hiel ding ahi" (Malachi 4:1)


"Nangho keima min giingkhencha umho din vang thiemchanna nisa hungsuoh in tin, alhaving teni a jong midamsah theina ahinpuoh ding, nangho jong natha u nuom (ding)... " (Malachi 4:2)

Kum 1000 kichai tieng, giloute thodoh a um diu, ahin Satan thusah ahin jui kit diu, Pathien le mithiengte douna abolkit diu ahi. Kikhelna ima aneipo uvin, mei a kisumanggam diu ahi (Rev. 20:5-9).

Ahin suhmang ahi masang un, thutanna kichaina kibol ding ahi. Lekhabuho kiphongdoh ding, mitin in athilbol cheng leh Pathien ngailut kouna achan u akimudoh chieh diu, Pathien thutandihje apuondoh diu, chuleh a-ang a dilsu chieh diu ahi (Rev. 20:11-13; Is. 45:23; Phil. 2:10).

Tuonsot a hing a, meidiil a kipehlele malah, amaho chu thokitna umtahlouna "thi nina" chang diu ahi (Rev. 20:14-15; Ps. 37:20; Mal. 4:1; Is. 26: 14).

Thi le chonsiet bei ding ahitai. Mitlhi cheng thehhul phaath ahitan, tuonsot kipana hinkho man phaath hiding ahi tai (Rev. 21:4).





# NGAILUT PIEH LEH LECHAN PHAATHO

“...Pakai keima hieng a ahung kilah e; Keiman nangma hi gitanlouva kalungsiet nahi'n, hiche jieh a...kakitahna kabanjom jing jieng ahi e (ati).” (Jeremiah 31:3)

**Lei Thah a tuonsot a ipi ibol diu hin tem?**

**Christa Thingpel chu lhatsate simjing ding le vahchoi jing ding thusim kidangtah chu hijing ding ahi.**

**Chamlenna phaicham a, tuipang hoitah a chun Pathien mite'n chenna munnuom anei diu ahi.**

**Chihna sangtah pum a Pathien thilsiem kidang umje hetna le khuolna chun achate kipana adimsah jing ding ahi.**

**Hetna bulhing ding, thaneina chamkim ding ahi.**


**Hetna kibe jing chun lungthim thacholna le tahsa lhahsamna alhutlou ding ahitai.**

**Natoh thupi leh chihna sangpen pen lutna jong muolso a um ding, tup le doi jouse bulhit a um ding, mitin kipah thanuom ding ahi.**

**Tup le doi thah thah hung um ding, mu ding kidang cheh cheh tampi hung um ding, thudih thah hetdoh hung um ding, hetna le chihna jong sang cheh cheh hung kinei ding ahi.**

**Chonsiet tepkhalou thilsiem dangho chutah leisiet a kum jabi tampi sung a ikikholdoh u Pathien phatna hetna le chihna chu iseikhom diu ahi.**

**Lungmit mutheina a kuon Thilsiem umdol leh aloupi dan amudoh thei diu, nisaho, ahsihon adan ajui a, Laltouna kimvel a kijui ahidan amudoh diu ahi.**



“Kidouna Lientah chu ahung kichai tan ahi. Chonsiet le chonseho aum tapo uve. Chung le nuoi mun jouse athieng tai. Lungkhat a umna leh kipana chu lungphut bang in Pathien thilsiem jouse’n kibang in aneikhom tai. Ijakai siempa a kuon luongdoh hinna le vah chuleh kipana chun beitih neilou vanmun ong sung pumpi alodimsuoh in ahi. Thil halsi neopen apat leimun lienpen gei, hinna nei hihen neilou hijongleh, ahoina kisellou leh kipah chamkim sel in, Pathien ngailut ahi ti apuongdoh ui.”



EGW (The Great Controversy, pg. 678)